

Convocatoria do Certame “Cooperativismo no Ensino”

Formación Profesional 2011



CERTAME COOPERATIVISMO NO ENSINO DIRIXIDO A CENTROS DE FORMACIÓN PROFESIONAL 2011

A Consellería de Traballo e Benestar convoca o certame “Cooperativismo no ensino” co obxecto de difundir e promover o cooperativismo entre o alumnado dos centros de educación infantil, primaria, secundaria obrigatoria e formación profesional de Galicia, impulsando a realización de actividades de fomento do cooperativismo nos centros educativos.

No desenvolvemento destas actividades os centros deberán ter en conta os valores e principios que inspiran o cooperativismo, tales como: a solidariedade, o espírito democrático, a participación, a actuación colectiva ou a solución de conflitos de forma pactada. As actividades que se realicen deberán potenciar e propiciar estes valores. Como soporte de apoio ás actividades propostas contaráse con material divulgativo en formato electrónico na páxina web www.cooperativasdegalicia.com.

Coa finalidade de impulsar a formación nestes valores e a súa aplicación práctica, incentívase a realización de actividades específicas mediante distintos premios aos que poden optar os traballos realizados polos alumnos.

CONCURSO DE PROXECTOS EMPRESARIAIS COOPERATIVOS

Poden participar no certame todos os centros educativos de formación profesional, así como o seu alumnado e profesorado.

Os centros educativos que imparten formación profesional específica e realizan actividades de fomento e divulgación do cooperativismo poderán presentar a este concurso os proxectos empresariais elaborados polo seu alumnado, baixo a única modalidade de “proxectos empresariais cooperativos”.

Os proxectos deberán desenvolver o proceso completo de posta en marcha dun proxecto empresarial, baixo a fórmula cooperativa, orixinal, coherente e viable economicamente.

Os proxectos deberán estar redactados en galego e presentaranse en formato papel e formato electrónico que permita a súa posterior publicación, acompañados dunha ficha resumo segundo o modelo que pode obterse na web www.cooperativasdegalicia.com

En cada proxecto deberán participar como mínimo tres alumnos/as, que deberán estar dirixidos na súa elaboración por un/unha profesor/a-diretor/a.

PREMIOS

Os traballos presentados á modalidade de “proxectos empresariais cooperativos”, dirixido aos centros de formación profesional, poderán optar aos seguintes premios:

Premio ao mellor proxecto empresarial cooperativo, coa seguinte dotación:

- O/s autor/es a/s autora/s do mellor proxecto recibirán un único premio de 6.000 euros, dos cales 3.000 euros entregaranse tras a resolución do tribunal, e 3.000 euros entregaranse tras a presentación dunha memoria das xestións realizadas para a posta en marcha do proxecto; será preciso xuntar a documentación acreditativa que xustifique, como mínimo, a conformación do grupo promotor do proxecto, coa relación de nomes e apelidos e a acta da súa primeira reunión.
- Unha viaxe para visitar experiencias cooperativas, por valor máximo de 1.500 euros, para o profesor/a-diretor/a do proxecto.
- Dous accésit aos proxectos finalistas, coa seguinte dotación:
- 2.000 euros para cada proxecto finalista, que se repartirán entre os/as alumnos/as que elaboraron cada un dos proxectos finalistas.
- 500 euros en cheques para libros para cada un/unha dos/as profesores/as-diretores/as dos proxectos finalistas.

OUTORGAMENTO DE PREMIOS

Os proxectos presentados á modalidade de “proxectos empresariais cooperativos” serán avaliados por un tribunal que terá en conta a coherencia, orixinalidade e viabilidade económica dos proxectos empresariais cooperativos, así como a súa relación co contorno onde se desenvolven.

O tribunal poderán propoñer que se declaren os premios desertos ou conceder premios compartidos. De existir premios desertos, a súa contía poderase acumular aos premios que se concedan de xeito compartido.

A entrega dos premios terá lugar no transcurso do acto público que se celebrara con motivo do día do cooperativismo.

PRESENTACIÓN E PRAZOS

Os traballos dos/as alumnos/as debidamente identificados deberán entregarse na Dirección Xeral de Relacións Laborais (Consellería de Traballo e Benestar, edificios administrativos de San Lázaro, Santiago de Compostela), xunto coa correspondente solicitude de participación que deberá especificar a modalidade e, no seu caso, categoría á que se presenta, antes do 15 de maio de 2011.

Xunto co proxecto e a solicitude, deberá acompañarse o currículo do grupo (nomes, apelidos, idades, estudios dos/as integrantes do grupo, así como do/a profesor/a-diretor/a), e a ficha resumo.

As bases do certame pódense consultar na web www.cooperativasdegalicia.com e no Diario Oficial de Galicia nº 59 do 24 de marzo de 2011.

Máis información www.cooperativasdegalicia.com


Consello Galego de Cooperativas 881 999 268



CONSELLO GALEGO DE
COOPERATIVAS



Cooperativismo e Economía Social



XUNTA
DE GALICIA